

Қаерда гуноҳлар кенг тарқалса, ўша ер аҳолиси ҳалокатга учрайди



19:00 / 23 январь 1050

بِذُنُوبِ بِرَبِّكَ وَكَفَى نُوحَ بَعْدِ مِنَ الْقَرُونِ مِنْ أَهْلَكَنَا وَكَمْ

بَصِيرًا خَيْرًا عَبَادِهِ ۝

۱۷

«Нуҳдан сўнг қанчадан-қанча асрларни ҳалок қилдик.
Бандаларининг гуноҳларидан хабардор бўлиш ва уларни кўришда
Роббинг Ўзи кифоя қилур» (Исро сураси 17-оят).

Яъни фисқу фасодга берилиб, бузғунчилик қилган қавмларнинг ҳалокати янги одат эмас. Бу иш доимо бўлиб келган. Нуҳ даврида фисқу фасод

туфайли барча одамларни ғарқ этиб, фақат Нуҳ ва унга иймон келтирғанларни сақлаб қолган әдик. Аммо Нуҳдан кейинги асрларда ҳам гуноҳкорларни ҳалок этиб келдик. Ҳа,

«Нуҳдан сүнг қанчадан-қанча асрларни ҳалок қилдик».

Қаерда гуноҳлар кенг тарқалса, ўша ер аҳолиси ҳалокатга учратилади.

«Бандаларининг гуноҳларидан хабардор бўлиш ва уларни кўришда Роббинг Ўзи кифоя қилур».

Бошқа гувоҳ, хабарчи ёки кўрувчининг кераги йўқ.

ثُمَّ نُرِيدُ لِمَنْ نَشَاءُ مَا فِيهَا لَهُ، عَجَلَنَا الْعَاجِلَةَ يُرِيدُ كَانَ مَنْ

مَدْحُورًا مَذْمُومًا يَصْلَبُهَا جَهَنَّمَ لَهُ، جَعَلْنَا

١٨

«Ким шошган(дунё)ни истаса, унга бу дунёда иродা қилган киши мизга нимани хоҳласак, шошилинч берурмиз. Сўнгра унга жаҳаннамни берурмиз. Унга мазаммат қилингандан ва қувғинга учраган ҳолда кириб, куюр» (Исро сураси 18-оят).

Кимки бошқа нарсани хоҳламасдан, ушбу ўткинчи, беш кунлик дунё учун яшамоқчи бўлса, Аллоҳ унга бу дунё насибасини шошилинч тарзда беради. У киши бу дунёда керак нарсасига эришиб олади. Аммо охиратига ҳеч нарса қолмайди. Шунинг учун:

«Унга мазаммат қилингандан ва қувғинга учраган ҳолда кириб, куюр».

Улар бу дунё ҳойи-ҳавасларига берилиб, шаҳват ва лаззат ортидан қувиб, ҳаётларини гуноҳ қилиш билан ўтказадилар. Энди жаҳаннамда ўша гуноҳларига яраша азоб чекадилар.

مُؤْمِنٌ وَهُوَ سَعَيْهَا لَهَا وَسَعَى الْآخِرَةَ أَرَادَ وَمَنْ

مشکوراً سَعَيْهُمْ كَانَ فَأُولَئِكَ ۝ ۱۹

«Ким охиратни истаса ва унга эришиш учун мўмин бўлган ҳолида керакли ҳаракатини қилса, бас, ана ўшаларнинг ҳаракатлари мақбулдир» (Исро сураси 19-оят).

Демак, охират саодатига эришиш учун фақат уни исташ, хоҳлашнинг ўзи кифоя қилмас экан. Унга эришиш учун истак билан бирга иймон ва жиддий ҳаракатлар ҳам даркор экан. Истак билан бирга, энг аввало, иймон керак, усиз ҳеч нарсага эришиб бўлмайди. Истак ва иймон бўлса-ю, керакли саъи-ҳаракат қилинмаса ҳам, натижка чиқмайди. Демак, охират саодатига эриштирувчи ишларни ҳам амалга ошириш керак. Яъни одам охиратда яхши натижага эриштирадиган ишларни қилиши, охиратда жаҳаннамга дучор этадиган ишларнинг яқинига йўламаслиги лозим бўлади.

«...бас, ана ўшаларнинг ҳаракатлари мақбулдир».

Улар бу дунё ва охиратнинг саодатига эришадилар.

«Тафсири Ҳилол» китоби асосида тайёрланди